



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Exercitium Divinum De Praesentia Dei**

**Arias, Francisco**

**Herbipoli, 1612**

Qvibus Mediis Possit comparari hoc donum, Deum præsentem in  
actionibus habendi. Cap. XII.

[urn:nbn:de:hbz:466:1-50314](https://nbn-resolving.org/urn:nbn:de:hbz:466:1-50314)

90 FRANC. ARIÆ EXERC.

quid fecisti, vel perpeſſus, in hoc mundo, pro ſalute noſtra fuiſti. Offero & B. Virginis, tuæ glorioſiſſimæ matris, omniumque electorum tuorum merita, Amen.

QVIBVS MEDIIS POSSIT  
*comparari hoc donum, Deum  
preſentem in actionibus  
habendi.*

CAP. XII.

HACTENVS expoſuimus admirandos huius diuini exercitij fructus; docuimusque quemadmodum practicè uſurpandum ſit: nunc ſuper eſt, ut declaremus, quibus medijs hoc donum acquiri poſſit. E quibus primum ſit, ut illud poſtulemus à Deo; quia donum diuinum eſt, descendens à Patre laminum, à quo

quo omne bonum & donum  
perfectum proficiscitur. Sicut  
enim à Christo Deo & Saluato-  
re nostro, omnia alia subsidia ad  
salutem opportuna & necessaria  
expetimus, sic & hoc donum hu-  
militer nobis concedi per suam  
infinitam misericordiam, passio-  
nisque suæ merita flagitemus,  
quo semper eius recordemur,  
semper cor nostrum in ipsū ere-  
ctum habeamus, semper deniq;  
quoad diuinitatem præsentem  
contemplemur, inuocemus, de-  
sideremus & diligamus. Hoc do-  
num si obtinuerimus, cum eo  
facilè omnia reliqua, pro adiu-  
mento & profectu nostro spiri-  
tualis consequemur. Nec dubium  
illud concessum iri, si magna  
cum fiducia, viuoque desiderio  
ad illud aspiremus. Neque vllus,  
cuiuscunque status vel conditio-  
nis

92 FRANC. ARIÆ EXERC.

nis sit, potest iure se excusare, quod hoc beneficium à Deo postulare non possit; quia ut propter occupationes & negotia aliquis eo non perueniat, ut semper Deum sibi præsentem sistat, tamen poterit aliquoties in die amorem suum in DEVM attollere.

Aliud medium ad habendum Deum præsentem esse potest, si signis nonnullis utamur, quorum conspectu, tactuue Dei recurrat memoria; ut si dictum aliquod muris eius loci, in quo ordinariè versamur, inscriptum sit, cuiusmodi esse possunt: Noli peccare, quia Deus videt. Vel illud Sapientis. *In omni loco, oculi*

*Prou. 15.*

*Psal. 15.*

*Prou. 3.*

*Domini contemplantur bonos & malos. Vel illud Dauidis Regis. Prouidebam Dominum in conspectu meo semper. Vel, In omnibus viis tuis cogita*

*Deum*

DE PRÆSENT. DEI. 93

*Deum.* Vel illud Tobia ad filium.  
*Omnibus diebus vita tua in mente ha-*  
*beto Deum* Possumus & signi loco  
filium alligare brachio, vel digito.  
Nam & annulos in ijs gerimus,  
ne temporalium quorundam  
negotiorum memoria excidat.  
Sonum quoque campanæ signi  
vice accipere ipsi possumus, sta-  
tuereque illum nobis fore loco  
cœlestis vocis, vt recordemur  
Dei. In veteri lege præcepit De-  
us filijs Israël, vt in vestium  
fimbrijs vittas gestarent hyacin-  
thinas, quibus conspectis recor-  
darentur mandatorum Domi-  
ni, sancti essent coram Deo, pla-  
cebit ergò maxime Deo si, quis  
simili signo memoriam excitet  
præsentia diuinæ, sic enim faci-  
lius Deum inuocabimus, & amo-  
re eius inflammabimur ad per-  
fectam præceptorum suorum  
observationem. Le-

*Tob. 4.*

*Num. 15.*  
*Deu. 22.*

Legimus S. Edmundum Cantuariensem Archiepiscopum, cum adolescens operam litteris daret, hoc sanctum exercitium usurpasse, hoc est, mentem eleuasse in Deum, eamque ob rem in cubiculo suo effigiem quandam D. Virginis, cum mysterijs Christi circum illam depictis, affixisse, vt ea inspecta ad Deum, Dei que matrem facilius recurreret. Atque hoc medium inter optima, quibus in hoc sancto exercitio vti possemus, censetur, vt si consuetudo confirmet hoc exercitium, adiuuante diuina gratia, efficacissimum sit ad habendam semper præ oculis diuinam maiestatem.

DE

DE ALIIS MEDIIS VT DE  
*examine Particulari, & sollicitu-*  
*dine, & amore cordis.*

## CAP. XIII.

**A**liud medium, valde vtile  
ad retinendam præsentia  
diuinæ memoriam, est Examen  
particulare, vt scilicet cùm circa  
meridiem, aut vesperi rationem  
exposcimus à nobis conscientia,  
id quoque excutiamus, an præ-  
sentem toto die Deum in actio-  
nibus nostris habuerimus, & si  
factum sit, sedulò gratias agamus  
Deo, quia singulare Dei donum  
est; ac proponamus nos idem  
accuratiùs obseruaturos diebus  
insequentibus. Si verò secus ac-  
ciderit, doleamus, & emendati-  
one propolita, pœna aliqua cul-  
pam expremus. Hæc enim pœna